



DIRU-LAGUNTZEN PROGRAMEI BURUZKO EBALUAKETA 2017

IVAP

1. Hirigintza eta Lurralde Ikasketak XLIII. (43) Ikastaroa (2017-2018) egiteko matrikulabekak 2
2. Hirigintzari buruzko ikastaroko ikasleentzako laguntzak, erakunde publikoetan eta/edo enpresetan praktikak egiteko 3
3. 2017-2018ko aldirako Herri-Administrazioarekin, Zuzenbide Publikoarekin edo Administrazio Zientziarekin zerikusia duten gai batzuei buruzko ikerketa sustatzeko diru-laguntza deialdia 5
4. Euskal Autonomiarekin zerikusia izanik edo horren azterketarako eta sakontzerako balioa izanik, hainbat aztertze eta ikerkuntza ikuspuntutatik egindako ikerlanetarako "Jesús María Leizaola 2017" saria 6
5. Hizkuntza-prestakuntzako ikastaroak egiten ari diren langileak ordezkatzeko diru-laguntzak (toki administrazioa) 7
6. Euskal administrazio publikoetako enplegatuen prestakuntza finantzatzeko laguntzak.. 8



1.- Izenburua

Hirigintza eta Lurralde Ikasketak XLIII. (43) Ikastaroa (2017-2018) egiteko matrikula-bekak

2.- Araua

EBAZPENA, 2017ko uztailaren 27koa, Herri Arduralaritzaren Euskal Erakundeko zuzendariarena, unibertsitate-titulua duten bost lagunen matrikula-gastuak ordaintzeko bost beka iragartzen dituena, «Hirigintza eta Lurralde Ikasketak XLIII. (43) Ikastaroa (2017-2018)» egiteko. Herri Arduralaritzaren Euskal Erakundearen (IVAP) mendeko Lurralde eta Hiri Ikasketetarako Euskal Eskolak (LHIEE) antolatu du aipatutako ikastaroa. (EHAA 150. zk., 2017ko abuztuaren 8a).

3.- Diru-laguntza Programaren azalpen laburra eta helburuak

Lurralde eta Hiri Ikasketetarako Euskal Eskolak, 1992az geroztik, urtero eskaintzen ditu Hirigintzari buruzko modulu bidezko ikastaroak. Urtero bezala, 2017-2018ko edizioan ere beka-deialdia egin da Hirigintza eta Lurralde Ikasketak XLIII. (43) Ikastaroaren matrikula osoa ordaintzeko bost laguni. Matrikula-beka bakoitza 2.780,00 eurokoa da.

Xedea da baliabide ekonomiko nahikorik ez baina emaitza akademiko onak dituzten graduatu eta lizentziadunek ikastaroan parte hartuko dutela bermatzea.

4.- Lortutako emaitzak, aurrekontu programarekin lotutako magnitudeak eta eragina gizartean

2017-2018ko Ikastaroan 5 beka-matrikula ematea aurreikusita zegoen, eta 3 beka-matrikula esleitu dira (EBAZPENA, 2017ko irailaren 22koa, Herri Arduralaritzaren Euskal Erakundeko zuzendariarena. Honen bidez, 2017-2018rako antolatu den Hirigintzako XLIII. (43) ikastaroa egiteko matrikula-bekak esleitzen dira. Bilbon egingo da Herri Arduralaritzaren Euskal Erakundearen (IVAP) mendean dagoen LHIEE-Lurralde eta Hiri Ikasketetarako Euskal Eskolak (EVETU/LHIEE) antolatuta. (EHAA 196 zk., 2017ko urriaren 13a).

Esleipendun batek bekari uko egiten dio.

Beste bi esleipendunek, Bizkaian bizi direnak, 5.560 euroko beka jaso dute guztira, aurrekontua 13.900 eurokoa izan zelarik.



1.- Izenburua

Hirigintzari buruzko ikastaroko ikasleentzako laguntzak, erakunde publikoetan eta/edo enpresetan praktikak egiteko

2.- Araua

EBAZPENA, 2017ko uztailaren 27koa, Herri Arduralaritzaren Euskal Erakundeko zuzendariarena, erakundeetan edo enpresetan egitekoak diren diruz lagundutako praktikaldiak arautzen dituen eta haietarako deialdia egiten duena LHIEE Lurralde eta Hiri Ikasketetarako Euskal Eskolak Bilbon 2016-2017rako antolatutako 42. Hirigintza Ikastaroko ikasleentzat. (EHAA 150. zk., 2017ko abuztuaren 8a).

3.- Diru-laguntza Programaren azalpen laburra eta helburuak

Lurralde eta Hiri Ikasketetarako Euskal Eskolak, 1992az geroztik, urtero eskaintzen du Hirigintzari buruzko modulu bidezko ikastaroa, eta 2016-2017 ikasturtean erakundeetan eta/edo enpresetan 300 ordu inguruko praktika-aldia antolatu zuen hirigintza-arloan 48 hilabeteko eskarmentua baino gutxiago zutenentzat. Hasieran aurreikusitako ikasle kopurua bederatzi ziren. Horietako bakoitzari, gehienez, 2.111,11 euro eman zaizkio eta, guztira, 21.000,00 euroko aurrekontu-zuzkidura erabili da (Gizarte Segurantzako gastuak barne).

Hona praktika-aldiaren helburu nagusia: Hirigintzari buruzko XLII. (42) ikastaroa (Bilbo, 2016-2017) egin duten ikasleek hirigintzaz ikasitakoa erakunde publikoetan eta/edo enpresetan aplikatzea, han hiru hilabeteko praktikak eginez, gutxi gorabehera.

Adierazlea: praktiketako ikasleen kopurua:

9

9

4.- Lortutako emaitzak, aurrekontu programarekin lotutako magnitudeak eta eragina gizartean

Hala, harreman estuagoa lortzen da hirigintza- lurralde- eta ingurumen-arloetan langile espezializatuen beharra izan dezaketen zentro eta profesionalekin, baita erakunde publiko eta pribatuekin ere.

Ikasleek jarduera erdi-profesionala garatzen dute, eta aukera izaten dute erakunde publikoetan "in situ" ezagutzeko zertan den eta zelan kudeatzen den hirigintza. Horretarako, aholkularitza-lanetan ibiltzen dira eta proiektu profesional batean parte hartzen dute hiru bat hilabetez (2017ko urritik abendura arte). Horrek guztiak ondorio garrantzitsuak dauzka Lurralde eta Hiri Ikasketetarako Euskal Eskolaren hirigintzari buruzko modulu bidezko ikastaroko ikasleentzat, praktika-aldia egin aurretik ez baitute eskarmenturik hirigintza-kontuetan.



Emaitzak onak izan dira. Izan ere, diruz lagundutako praktikak 9 ikaslek egingo zituztela aurreikusita bazegoen ere, azkenean, 14 ikaslek egin dituzte (2 Arabakoak eta 12 Bizkaikoak), aurreikusitako kopurua 9 izan bada ere. Diru-laguntzaren aurrekontua 21.000 eurokoa izan da, eta guztira 20.835 € ordaindu dira.



1.- Izenburua

2017-2018ko aldirako Herri-Administrazioarekin, Zuzenbide Publikoarekin edo Administrazio Zientziarekin zerikusia duten gai batzuei buruzko ikerketa sustatzeko diru-laguntza deialdia

2.- Araua

EBAZPENA, 2017ko apirilaren 7koa, Herri Arduralaritzaren Euskal Erakundeko zuzendariarena, 2017-2018ko aldirako Herri-Administrazioarekin, Zuzenbide Publikoarekin edo Administrazio Zientziarekin zerikusia duten gai batzuei buruzko ikerketa sustatzearren bi diru-laguntza emateko merezimendu-lehiaketarako deialdia egiten duena. (2017ko maiatzaren 8ko EHAA).

3.- Diru-laguntza Programaren Azalpen Laburra eta Helburuak

Diru-laguntza hauen helburua da, Herri-Administrazioarekin, Zuzenbide Publikoarekin edo Administrazio Zientziarekin zerikusia duten gai jakin batzuei buruzko ikerlanak egitea eta Euskadiko herri-administrazioen eraginkortasuna areagotzea. Ikerkuntza programa honek urtebeteko iraupena du.

4.- Lortutako emaitzak, aurrekontu programarekin lotutako magnitudeak eta eragina gizartean

2017-2018 aldirako diru-laguntzen esleipenak balio izango du Herri-Administrazioarekin, Zuzenbide Publikoarekin edo Administrazio Zientziarekin zerikusia duten ikerketa-arloak garatzeko.

Aurrekontuaren adierazleei dagokienez, deialdi hauek 1216 programan (Herri Arduralaritzaren Euskal Erakundeko Administrazio publikoetako langileak aukeratu eta prestatu) sartuta daude eta programa horretako adierazleek deialdiari erreferentzia egiten diote. Helburua zen bi diru-laguntzarako deia egitea eta horrela egin da (helburua bete da): biak ikertzaile taldeak aritzeko. Laguntza biak bakarrik esleitu dira; abian dagoen deialdian, diru-laguntza jaso duten ikerketa-proiektuak honako hauek dira:

- *La mediación escolar en el sistema educativo vasco no universitario: del respaldo institucional al impulso normativo (URIARTE RICOTE, MAITE; ORDEÑANA GEZURAGA, IXUSKO).*
- *Estrategias de la implementación coordinada y colaborativa de BIM para la digitalización eficiente de la Administración Pública (LEÓN CASCANTE, IÑIGO; SAGARNA ARANBURU, MAIALEN; MORA MARTÍN, FERNANDO; OTADUY ZUBIZARRETA, JUAN PEDRO; LIZUNDIA URANGA, IÑIGO; ETXEPARE IGIÑIZ, LAUREN; ALBERDI SARRAOA, ANICETO).*

Ikerlanak 2018an aurkeztu behar dira eta orduan baloratuko dira. Beraz, deialdia bukatuta (2018an) ebaluatuko ditugu deialdi honetako helburuak eta adierazleak.



1.- Izenburua

Euskal Autonomiarekin zerikusia izanik edo horren azterketarako eta sakontzerako balioa izanik, hainbat aztertze eta ikerkuntza ikuspuntutatik egindako ikerlanetarako "Jesús María Leizaola 2017" saria

2.- Araua

2017ko apirilaren 7ko EBAZPENA, Herri Arduralaritzaren Euskal Erakundeko zuzendariarena, euskal autonomiarekin zerikusia izanik edo horren azterketarako eta sakontzerako balioa izanik, hainbat aztertze eta ikerkuntza ikuspuntutatik egindako monografia izaera duten ikerlanetarako «Jesús María Leizaola» 2017 sarirako deia egiten duena (2017ko maiatzaren 2ko EHAA).

3.- Diru-laguntza Programaren azalpen laburra eta helburuak

“Jesús María Leizaola” 2017 sariaren eginkizuna hauxe da: gure autonomia-sistemak lege eta ekonomiaren arloetan dituen berezitasunei buruzko azterlanak sustatzea eta zabaltzea.

4.- Lortutako emaitzak, aurrekontu programarekin lotutako magnitudeak eta eragina gizartean

Sariak gure autonomia-sistemak lege eta ekonomiaren arloetan dituen berezitasunei buruzko azterlanak hedatzeko aukera ematen du. Halaber, ikerkuntzaren aldeko interesa sustatzeko egokia da aipatutako arlo horiek sakontzeko beharrianari erantzuten diolako eta etorkizuneko euskal autonomia garatzeko aproposa izan daitekeelako.

Aurtengo deialdian, saria esleitu gabe geratu da.

Aurrekontuaren adierazleei dagokienez, deialdi hauek 1216 programan (Herri Arduralaritzaren Euskal Erakundeko Administrazio publikoetako langileak aukeratu eta prestatu) sartuta daude eta programa horretako adierazleek deialdiari erreferentzia egiten diote. Helburua zen sariaren deialdi bat egitea eta horrela egin da (helburua bete da).

IVAPeko kudeaketa sistemari dagokionez, honako helburu eta adierazle hauek dauzkagu 2017ko programa honetan:

Adierazlea	Helburua	Adierazlea
Leizaola saria deialdira aurkeztutako hautagaien kopurua	5	3
Leizaola saria ematea	1	0
EAetik eta Nafarroatik kanpo bizi diren Leizaola sariaren hautagaiak	1	0
Leizaola deialdian aurkeztutako lanak, saririk gabekoak baina argitaratuak	1	0
Leizaola saria deialdian ezarritakoarekin bat datozen aurkezturiko lanak	%100	%66



1.- Izenburua

Hizkuntza-prestakuntzako ikastaroak egiten ari diren langileak ordezkatzeko diru-laguntzak (toki administrazioa)

2.- Araua

AGINDUA, 2005eko azaroaren 30ekoa, Ogasun eta Herri Administrazio sailburuarena. Agindu honen bidez, batetik, arautzen da Herri Arduralaritzaren Euskal Erakundeak (HAEE) Euskal Autonomia Erkidegoko herri-erakundeei eskainiko dien hizkuntza-prestakuntzako zerbitzua, eta bestetik, ezartzen dira euskara-ikastaroetara doazen udal-langileak ordezkatzeko diru-laguntzen arauak.

3.- Diru-laguntza Programaren azalpen laburra eta helburuak

Udal-administrazioak diruz laguntzea, derrigorrezko hizkuntza-eskakizuna duten lanpostuetan egonda eta partzialki edo guztiz liberatuta egonda, euren lanpostuei dagokien hizkuntza-eskakizuna eskuratu arte euskara-ikastaroetara joaten diren langileak ordezkatzeko kostua finantzatzuz.

4.- Lortutako emaitzak, aurrekontu programarekin lotutako magnitudeak eta eragina gizartean

2017ko urtarrila-ekaina epealdia.

Ordezkaturako ikasle kopurua: 2

Erakundeak: 1

Liberazio mota: osoa.

Ordezkapenen kostua: 7.259,68 euro.

2017ko uztailla-abendua epealdia.

Ordezkaturako ikasle kopurua: 1

Erakundeak: 1

Liberazio mota: osoa.

Ordezkapenen kostua: 6.153,58 euro.



1.- Izenburua

Euskal administrazio publikoetako enplegatuen prestakuntza finantzatzeko laguntzak

2.- Araua

EBAZPENA, 2017ko maiatzaren 30ekoa, Herri Arduralaritzaren Euskal Erakundeko zuzendariarena, Euskal Autonomia Erkidegoko toki-administrazio, foru-administrazio eta Euskal Herriko Unibertsitateko enplegatuen prestakuntza finantzatzera bideratutako laguntzen deialdia egiten duena.

EBAZPENA, 2017ko maiatzaren 30ekoa, Herri Arduralaritzaren Euskal Erakundeko zuzendariarena, Euskal Autonomia Erkidegoko Administrazio Publikoko enplegatuen prestakuntza finantzatzera bideratutako laguntzen deialdia egiten duena.

3.- Diru-laguntza Programaren azalpen laburra eta helburuak

Diru-laguntza Programa honen helburua da ahal den erakunde publiko guztietan prestakuntza-plan edo -programen ezarpena sustatzea eta finkatzea. Bestalde, aurkeztutako prestakuntza-plan edo -programek analisi edo diagnostiko batean oinarritu beharko dira.

4.- Lortutako emaitzak, aurrekontu programarekin lotutako magnitudeak eta eragina gizartean

1. adierazlea: prestakuntza-planen kopurua: 42 (47 aurreikusitakoak)
2. adierazlea: parte-hartzaileen kopurua: 79.692 (41.000 aurreikusitakoak)
3. adierazlea: programan parte hartzen duten erakundeen kopurua: 172 (155 aurreikusitakoak)

Alde batetik, Euskal Autonomia Erkidegoko administrazio publikoetan lan egiten duten langileen prestakuntza etengabeko garapenean eta egokitzapenean dauden kalitatezko zerbitzu publiko batzuk eskaintzeko ezinbesteko elementutzat hartzeak, eta, bestetik, EAEko administrazio guztiek aurrean dituzten aurrekontu-zailtasunak aintzat hartzeak, horiexek bultzatzen gaituzte Diru-laguntza Programa hau abian jartzera.